

神道者較多，四善之中，可稱憶，樂，至，覺，四善聯壇，由始迄今，又幾及百載矣，覺門（覺善）既奠因緣而生者，由宏道再圓玄，再及玉清，玉清爲行館，再進而生四玄之象，可證全真一道，脈脈相承，代代傳來，所望者，度衆生登彼岸矣，能如是，則不負呂師之所望也，惟是每一壇場，須賴人力以維之，雖屬數緣有定，亦有仗於人事而行，始可有爲者，能不斷以行，配以不斷之志，堅毅之人，其心持正不柯者，則事必成，承先以啓後，繼往以開來，一道始能循環於宇宙之間也，微聞玄門衆子之中，立有大願，爲師海外行化道學。

師願固如此，此願能成，亦一大盛事，今夕悟清偶臨別館，順將玄門一脈之源，予衆子參之，至於智玄立壇之事，仍希繼往之宏願，不斷而行。

呂師當能隨緣化運，毋慮毋懼，則百尺竿頭，自當有進者。

別館同人，更應加倍努力於一道，則前途無可限量也，願吾同道勉之又勉之。

呂祖先師示 丁巳十月十五日（一九七七）

### 內煉須知

本館若干子弟，有欲習內修者，但均無一定法門，所知者，儒釋道之淺理，遽行自習，查內煉一門，如非按法而行之，危險甚大，偶因不慎，錯行經脈，大者殘廢，小者得長病，故本門有內外二修之分，現 太上內修課未完，一俟完成，當有詳盡之方法指示，俾玄門

諸子，得以學習，吾亦常言，學道之士，先修外門，再修內法，循序漸進，方可有爲，萬不可冒昧以嘗試，諸子應先從修靜開始，因修靜只求六慾不起，心清氣靜，無礙於六脈內腑，故應先靜其心，能持久不歇，則入清靜之門，能入此門，則內煉實易也，諸子宜慎之。

呂祖先師示 丁巳十二月十五日（一九七七）

### 關於玉清別館經懺組成立之批示

奏呈均悉，頃與 天帝諮商，批示如下：

案查神功一節，別館早應爲之，就以孟蘭之會，更應舉行者，前者以環境關係，未便舉行，今日壇堂設立，應有經懺之設，既云他山有助，也可趁此以爲，朔望禮斗拜懺之壇，當可行之，至明歲之中元勝會，更應早予籌備，俾償素願者，至幽科之設，徐而圖之，二法並進，雖無抵於壇場，惟禮制方面，仍應着意也，今者先設經懺一組，設正組長一名，副組長二名，直屬壇場管轄，人選方面，可由正副壇長遴選充任之，既設經懺，自當誠勉以行，莫作兒戲視之，設立時刻，可在明歲二月中旬，經生方面，除熟練之志願者外，本館同人，大可參與其會，晨鐘暮鼓，養晦韜光，亦可藉此陶冶心性，對於全真之道，亦有裨益也，此批。

呂祖先師示 戊午元月十五日（一九七八）

運。或有問曰：「六祖慧能目不識丁，出於貧苦之家，既無所學，更無所習，何乃竟成佛道耶。」世人不察，從直覺觀之，每以爲學道亦如是，只求真誠，不求有識，便可登天門而離三界也。須知六祖之慧根，乃從靈山啓發，佛緣一會，便下凡塵，南華一覺，智慧頓開，應數因緣，回復阿羅面目，絕非每一僧人均能如是。今世之士，每作誤解，實不明其夙因矣。今特錄出，俾玄門諸子細細參詳，可知道學不可少，道功不可無，道行不可輟，道心能常住，虛空自我，頓悟根由，始見一道之光，霎現眼前也。學道子，三思之。

呂師示：

太師訓，記謹來，金石言，好培栽，無過失，應自勉，遇有過，應即改，學道能遵此，初階已進耳，若能修能煉，煉至從實還虛，一真在抱也，記之記之。

白眉先師

華陀先師 三師示 癸亥四月十八日（一九八三）

雲龍祖師

### 學道者之修養法門

病向淺中醫，德澤蔭兒孫，  
心魔能不起，學道可週旋。

人生世上，逃不了五行之限，生老病死，雖有百載年華，亦難逃劫孽之侵。惟養命葆

身之法，倘遇疾病，務宜及早調之，至爲上策也。人爲萬物之靈，凡靈之所至，莫不趨之若鶩，山川之靈，務求必得，以冀博取富貴榮華，功名利祿，豈知福人福地，強之而不可。欲求澤蔭兒孫，惟一之法，積善德，行仁義，如此，方能惠及後代者。

魔障有二，一爲外魔，一爲心魔。外魔必犯正道之士，所謂道高一尺，魔高一丈，正邪不兩立，故必起而犯之。降外魔，可用道之眞法，心魔則不然。心魔也者，發自人心，起在人身，從情慾之催，六慾之引，發時如江河直瀉，不可收拾，從寂靜而至繁亂不經，似此心魔，道法不能降，欲降其心，必須自我克之。克之法，緊收意念，無顧慮，返清靜之境，無幻象，無實虛，心境自平，心魔自退，用此方法而修於道者，則七情不起，六慾不生矣。玄眞妙理，處世習道。

孚佑及

列聖亦頻頻敘述，茲篇所言，乃學道者，易於學習之修養法門。惟既明其理，自當實踐而行，方可收效也，願衆子，常參此文。

關聖天皇帝 癸亥五月十三日（一九八三）

### 正名正利與沽名虛譽之別

古往今來重義情，名韁利鎖要看輕，  
殃昌善惡由人召，煅煉身心道可成。

數字中，已生與俱來，倘能積善德，建道功，雖在逆境之中，也可得一善之庇。若功德厚積，雖大數已完，亦可續緣塵海，此無他，邀天之庇耳。倘富貴則行道，貧困則離道，則天道難於庥庇也。

古訓示：「富貴不能淫，貧賤不能移。」此乃爲人之旨，學道亦然，倘學而不繼，行而不堅，信而不實，則何有一道者哉。芸芸衆生，應明學道之方，更應了悟道之玄妙，方可稱之曰一道之士。諸子習道多載，更有數十載者，能眞明此理者，亦不多見。吾願後學者，眞學眞行，眞修眞煉，虛空自我，還我本來，是所厚望矣。

太上道祖示 癸亥七月初一日（一九八三）

### 入清靜門，始能越五行，離三界

清靜無爲，乃見道眞，  
入虛空境，可却凡塵。

宇宙萬物，一切有生之物，俱含靈慧者。人則爲萬物之靈，對於一道之修爲，當較其他生物爲易。獨惜人靈雖高，一旦入後天，爲七情所困，六慾之擾，遂使先天之元性元靈，被受矇蔽。欲返樸歸眞，非先除情慾不可，除慾之法，首修清靜。清者，乃濁之始，靜者，乃動之原，既能清，自可靜，修爲之法，心不旁思，念念俱正，心念不動，道心常住，自見其清，心靈不動，自見其靜耳，所謂去其渣滓，濁去還清，心性寂寂，自覺其

靜，能至清靜之境，自入虛空之門，斯時也，善亦非善，惡亦非惡，人我俱無，臻於至上之境，釋道同源同理，至此，一真乃見，衆生修爲至此，脫五行，跳出三界之外，離塵返樸，道亦成也。玄門衆子習道有年，欲求有成，須先從清靜法門爲主，願衆生多參多研，多行多學，不負孚佑之所期也，願衆勉之。

呂祖先師示 癸亥七月十五日（一九八三）

### 神力與道力之別

今歲孟蘭法會，幸已順利完隆，並無意外發生。或有問曰，法壇神祇衆多，亦可力護壇場，何需再用道法加以庇護者。衆子不明所以，故特略予闡釋之。

神力方面，凡格入神道者，不論三界神祇，均賦予以神力，俾其執行職務時，得以方便使用。神職有高低之分，神力亦有大小之別，倘遇特別事故，超乎神力以外者，則力有不逮也。道法則不然，法無盡窮，力則無邊，無邊至上，道力無盡，所謂道法無邊也。各級神祇，只可憑神力，超乎神力，則需用道力也。是故爲萬全起見，故安排神力與道力並用之，以策萬全耳。特此釋明之。

鄭安期金仙示 癸亥七月廿四日（一九八三）

靈侯大帝示 乙丑年六月廿四日（一九八五）

### 末世修行之箴規

末世修行倍覺難，俗塵變幻亦紛紛，  
要是堅心來學道，何愁大道丹不還。

末世修行不易，今古皆然矣。人海之變幻，天地之循環，遂使富貴朝夕倒懸，貧賤時刻更換。學道者，倘逢此厄，兼以七情之累，六慾之擾，自當無心向學，萬念俱灰，定力不足，遂致棄道於不顧。倘如是，則多年功行，毀於一旦，殊可惜也。若能堅決其志，排除萬難，戮力以赴，不畏其艱，則一道之光輝，現於眼前，玄妙之門，亦大開方便也。願玄門子參悟之。

呂祖先師示

靈侯訓語，句句箴規。學道之士，遭逢劫孽，大多棄道，多年修真之士，亦難免同一心理者，此爲學道者一大忌也。願各子弟多參此文。

太上道祖示 乙丑年七月初一日（一九八五）

### 內外雙修基本之道

大道無量盡，虛空證道真，  
入世還出世，了卻凡俗塵。

道無量，更無盡，更無盡藏。學道之士，先從外門修爲，再從內煉之道以煅煉之，外修有所進益，再求內修之法，由淺入深，由學而行，循序漸進，以至清靜之境。內在修爲，着重清靜，不得其靜，心性不清，性能清，心自靜矣。心性俱靜，自入寂寂之境，能修至寂，寂無所寂，則達真虛之境也。玄門子弟內外同修，茲篇所記，乃基本之理，諸道子多參悟，自可豁明其理也。

呂祖先師示：

太上訓詞，內外雙修之道，至理明言，足爲修真之鑑。諸子勤參勤學，自可有成也。

鄭安期金仙示 乙丑年七月廿四日（一九八五）

### 評乙丑年孟蘭法會成績

虔誠一道鬼神欽，超生拔死濟衆生，  
蜚聲三界真功德，仍須內外兩相修。

是歲孟蘭，依例啟壇建蘸，別館成立迄今，歷歲均有此舉，初辦伊始，成就平平，歷年經驗倍增，兼以主辦諸生，虔誠以赴，成就日進，邇者成績明顯，神鬼皆知，致有附薦

晚近學道之士，欲求一道有成，不惜貪圖捷徑，亦有不擇真理，謬然而行，憑少少智慧，自以爲是，等於盲人騎瞎馬，眞道自不能見矣。近世人心多類於此，殊爲可惜。欲求真道，自應以誠信篤行，眞修眞煉，向道邁進，中途不易，堅守道念，常存道心，歷萬劫而不移，遇百困而不怠，如是方能達至眞虛之境，始可見一道之眞也。玄門諸子，明乎哉！

### 呂祖先師示

靈侯所訓，至情至眞，玄門弟子，三省其身，聖賢之理，固若金箴，惟願諸子，坐言起行，勿負列聖之厚望也。

太上道祖示 丙寅年七月初一日（一九八六）

### 闡述無爲法

虛空至上說無爲，俗海沉淪有所皈，鑒領至高無上道，衆生擺脫勿痴迷。

內修之篇，曾敘述清靜之境，能達至清靜，以至入虛無，始可入眞虛之境。欲求不二法門，必先煉性，性能見，心自明，能明心，則入虛空之門矣。既能證於虛空之門，則無

爲之道，自當證之。一切世間法，屬於有爲，一切無形之道，屬於無爲。有爲者，以實相證，無爲者，一切見空。慾海般般，倘不能消除俗念，雖修爲有日，仍屬有爲之道耳。欲求真境，必先除慾，自我清靜，再從實入虛，直達真虛之境，一道方可有爲也。願衆生，明斯道，學煉並行，成道自當有日矣。

鄭安期金仙示 丙寅年七月廿四日（一九八六）

### 道之宗旨

一道爲無量，已歷幾千秋，  
度人兼度世，歲月不停留，  
太上無爲法，得悟上慈舟，  
人性原本善，後天物慾投，  
遂令先天性，轉向溝壑遊，  
眞靈遭淹沒，原性不復留，  
一道如明燈，光輝照九州，  
度世般般樣，由人去爲修，  
養性兼葆命，明心見性修，  
善德兩相併，內外兼蓄收，

靈侯大帝示 丁卯年六月廿四日（一九八七）

### 從道必正，行道必艱

一道存萬古，浩炁留千古，  
名留三界內，證道天外遊。

一道運行於宇宙，亦常住於人體，棄實還虛，勿爲七情所染，修爲內外，鍛煉三品之精。人心易變，自應堅貞自持，道途多蹇，常誤道子之心。千百年來，中途棄道者多，每因挫折，遂致離道而行，又因人心不常，離合各異。

仙聖云：道不可離，離則煙沒，又曰從道必正，行道必艱。能成道否，因人而異，在此末世，修行更感艱辛，能明之者，自當見真。韶華易逝，轉瞬百年，願衆道子，珍惜時光，勤勉於一道。

太上道祖示 丁卯年七月初一日（一九八七）

### 修靜要恆心以爲，勿有始無終

清靜無爲道之本，眞修眞煉道之根，  
寂寂無名心性定，涅槃果證脫凡塵。

俗世修真，先求清靜，清不現俗，靜始可見，靈性能靜，乃可見真。清乃濁之源，濁乃動之根，固本以求諸末，三合能證於微。如是，則養性以葆命，性能養，再合天地之機，則道可成也。

諸生最近成立靜坐班，原意甚佳，獨惜恆心未得，有間歇行之，亦有始而無終者，如是坐法，有等於無。須知任何靜坐法門，能不間斷者，更能真靜真煉者，對於身心健康，獲益良多，此亦葆命之法。若能經年靜養，煉至三品合一，則入化出神，仙境在望也。玄門弟子，真煉真修之。

鄭安期金仙示 丁卯年七月廿四日（一九八七）

珍惜時光，持志不移，道始可得

一寸光陰一寸金，學行眞道有信心，  
玄門寶藏般般好，道子殷殷去追尋。

天運不常，人心不古，三期末劫，亦將快完。住世之士，每多學道之子，若不眞學眞行，則失之交臂也。光陰易逝，轉瞬百年，人事之變，韶華之逝，每每影響學道之士。聖賢所云：每習一事，必須付最大努力，如劍及履，始可有爲者。吾道不孤，自創道以來，歷古至今，能成眞道者，大不乏人，中途脫道者，更若恆河沙數也。此無他，心不堅，志不決，遇富貴，遭貧賤而失於道者，彼彼皆是也。若能持志不移，堅心以行之，雖不入蓬